

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

LEBIH BANYAK SYARIKAT ASING AKAN MELABUR DALAM SEKTOR PERDAGANGAN DAN PERUNCITAN DI MALAYSIA

KUALA LUMPUR, 18 Januari 2022 – Yang Berhormat **Datuk Seri Salahuddin bin Ayub**, Menteri Perdagangan Dalam Negeri dan Kos Sara Hidup hari ini telah menghadiri dan merasmikan **Majlis Pembukaan Paris Baguette Bakery Café** di Pavilion, Kuala Lumpur. Baguette Bakery Café merupakan rangkaian kafe terbesar di Korea Selatan dan telah mempunyai lebih 3,400 cawangan di seluruh dunia.

2. YB Menteri dalam ucapan perasmianya telah memaklumkan bahawa KPDN sentiasa menggalakkan lebih ramai pelabur-pelabur asing untuk membuka perniagaan di Malaysia. Penyertaan syarikat asing dalam sektor perdagangan dan peruncitan ini akan menyumbang kepada pertumbuhan kepada ekonomi negara serta membuka lebih banyak peluang pekerjaan kepada rakyat tempatan.

3. Pada tahun 2022, KPDN ini telah menerima sebanyak **306 permohonan** daripada syarikat asing yang melibatkan 761 cawangan untuk menjalankan perniagaan dalam sektor perdagangan pengedaran. Daripada jumlah tersebut, **sektor restoran** merekodkan jumlah permohonan tertinggi iaitu sebanyak **176 permohonan**. Jumlah kumulatif modal berbayar yang dibawa masuk oleh syarikat asing pada tahun 2022 ialah sebanyak **RM8.952**

bilion di dalam pasaran tempatan. Syarikat dari negara **Korea Selatan** antara syarikat yang paling banyak diluluskan untuk menjalankan perniagaan dalam sektor ini. KPDN yakin lebih banyak syarikat asing akan melabur dan membuka perniagaan di Malaysia.

4. Kerajaan telah meliberalisasikan lagi sektor perkhidmatan untuk menarik lebih banyak pelaburan asing melalui penambahbaikan Garis Panduan Penyertaan Asing Dalam Sektor Perdagangan Dan Pengeedaran (GP2023). Selain itu juga permohonan kelulusan pembukaan perniagaan syarikat asing boleh dibuat secara dalam talian melalui sistem **Business Licensing Electronic Support System (BLESS)**. Ini merupakan inisiatif kerajaan bagi membantu syarikat mempermudah proses permohonan sejajar dengan misi kerajaan iaitu *ease of doing business*.

5. Untuk sebarang pertanyaan lanjut, pihak pemain industri dan orang ramai boleh menghubungi **Sekretariat Perdagangan Pengeedaran dan Industri Perkhidmatan (SPIP)** di talian hotline 03- 8882 5881/ 5905 atau melalui emel kepada spip@kpdn.gov.my

YB Datuk Seri Salahuddin bin Ayub,
Menteri Perdagangan Dalam Negeri dan Kos Sara Hidup,
Kuala Lumpur, 18 Januari 2023

#End#

LATAR BELAKANG

Kementerian Perdagangan Dalam Negeri dan Kos Sara Hidup (KPDN) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidaktentuan. Perdagangan pengedaran perlu kukuh bagi menampai sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapi dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam mengurusniaga, dan hasilnya adalah negara yang seimbang dari segi ekonomi dan sosial.

Agensi di bawah KPDN:

